



**საქართველოს ოკუპირებული ტერიტორიებიდან დევნილთა, შრომის,
ჯანმრთელობისა და სოციალური დაცვის სამინისტრო**

**Ministry of Internally Displaced Persons from the Occupied Territories,
Labour, Health and Social Affairs of Georgia**



KA030151298606319

საქართველო, თბილისი 0119, აკ.წერეთლის გამზ.144; ტელ.: (+995 32) 251 00 11; ცხელი ხაზი: (+995 32) 251 00 26; 15 05; ელ.ფოსტა: info@moh.gov.ge
144 Ak.Tsereteli ave., 0119, Tbilisi, Georgia; Tel: (+995 32) 251 00 11; Hot line: (+995 32) 251 00 26; 15 05; E-mail: info@moh.gov.ge

№ 01/14855

20 / აგვისტო / 2019 წ.

სსიპ სახელმწიფო ქონების ეროვნულ სააგენტოს

საქართველოს ოკუპირებული ტერიტორიებიდან დევნილთა, შრომის, ჯანმრთელობისა და სოციალური დაცვის სამინისტრომ განიხილა თქვენი N4/66416 და N66353 წერილები, რომელიც შეეხება 01.12.2011-03.12.2018 პერიოდში, ერთი მხრივ, საქართველოს ეკონომიკისა და მდგრადი განვითარების სამინისტროს (უფლებამონაცვლე სსიპ - სახელმწიფო ქონების ეროვნული სააგენტო (შემდგომში „სააგენტო“)), საქართველოს შრომის, ჯანმრთელობისა და სოციალური დაცვის სამინისტროს (შემდგომში „სამინისტრო“) და მეორე მხრივ, შპს „მედალფას (შემდგომში „მყიდველი“) შორის 2011 წლის 13 სექტემბრის და 2012 წლის 16 აგვისტოს ნასყიდობის ხელშეკრულებებით ნაკისრი ვალდებულებების დადასტურების საკითხს.

1) 2011 წლის 13 სექტემბერს, ერთი მხრივ საქართველოს ეკონომიკისა და მდგრადი განვითარების სამინისტროს („გამყიდველი“), შრომის, ჯანმრთელობისა და სოციალური დაცვის სამინისტროს („სამინისტროს“) და მეორე მხრივ შპს „მედალფას“ („მყიდველი“) შორის გაფორმდა ნასყიდობის ხელშეკრულება, რომლის თანახმად, მყიდველს სიმბოლურ ფასად გადაეცა ხელშეკრულებით განსაზღვრული მოძრავი ქონება. აქედან, 2.3. ქვეპუნქტის თანახმად, „მყიდველს“ ხელშეკრულების პირველი მუხლით განსაზღვრული მოძრავი ქონება გადაეცა 3.1.7. ქვეპუნქტით ნაკისრი ვალდებულებების შესრულების პირობით, რომელიც გულისხმობდა: „უზრუნველყოს დანართი № 5-ით გათვალისწინებული ბაზისური სამედიცინო სერვისების უწყვეტობა ოზურგეთის და კასპის მუნიციპალიტეტებში, შესაბამისი სახელმწიფო პროგრამების ფარგლებში გარდამავალი პერიოდის დასასრულიდან 7 წლის განმავლობაში და დანართი № 5-ში განსაზღვრული სპეციფიური პირობების გათვალისწინებით და გეოგრაფიული ხელმისაწვდომობის პრინციპის დაცვით. ამასთან, ამავე პუნქტით განსაზღვრული ვალდებულება ჩოხატაურის და ლანჩხუთის მუნიციპალიტეტებში უზრუნველყოს მხოლოდ დანართი № 5-ის პირველი პუნქტის შესაბამისად“ (სოფლად პირველადი ჯანმრთელობის დაცვის მომსახურების უზრუნველყოფა 2012 წლის ჯანმრთელობის დაცვის სახელმწიფო პროგრამების დასაწყისიდან შესაბამისი ხელშეკრულებით გათვალისწინებული ვადის დასრულებამდე). საქართველოს მთავრობის 2009 წლის 9 დეკემბრის № 218 დადგენილების შესაბამისად შექმნილი „სამედიცინო რაიონების მიხედვით ვაუჩერის ფასის დადგენის, მზღვეველი კომპანიის გამოვლენისა და კონკურსის შედეგად გამოვლენილი მზღვეველის ან ამხანაგობის მიერ აღებულ ვალდებულებათა შესრულებისა და ასევე, პროგრამის ზედამხედველობის მიზნით შექმნილი უწყებათაშორისი კომისიის“ 2013 წლის 28 დეკემბრის № 13 სხდომის გადაწყვეტილებათა საფუძველზე, საქართველოს მთავრობის მიერ მიღებულ იქნა გადაწყვეტილება „პირველადი ჯანდაცვის მომსახურება სოფლად“ კომპონენტის ფარგლებში სოფლის ექიმის/ექთნის მომსახურების მიწოდების სერვისის სახელმწიფო მართვაში გადაცემის თაობაზე (საქართველოს მთავრობის 2014 წლის 17 იანვრის № 89 დადგენილება). შესაბამისად, აღნიშნული ხელშეკრულებით, 2014 წლის იანვრიდან მედალფას ჩოხატაურისა და ლანჩხუთის მუნიციპალიტეტების დაქვემდებარებაში აღარ გააჩნია დანართი N5-ის პირველი პუნქტით განსაზღვრული სერვისების შესრულების ვალდებულება.

2) 2012 წლის 16 აგვისტოს, ერთი მხრივ საქართველოს ეკონომიკისა და მდგრადი განვითარების სამინისტროს („გამყიდველი“), შრომის, ჯანმრთელობისა და სოციალური დაცვის სამინისტროს („სამინისტროს“) და მეორე მხრივ შპს „მედალფას“ („მყიდველი“) შორის გაფორმდა ნასყიდობის ხელშეკრულება, რომლის თანახმად, მყიდველს ხელშეკრულების პირველი პუნქტით განსაზღვრული ქონება გადაეცა 2.1 პუნქტით გათვალისწინებულ ფასად. ხელშეკრულების მესამე მუხლი ითვალისწინებს „მყიდველის“ უფლება მოვალეობებს. 3.1.3 ქვეპუნქტით განსაზღვრულია შემდეგი: „ჩოხატაურის და ლანჩხუთის მუნიციპალიტეტებში უზრუნველყოს ამ ხელშეკრულების დანართით გათვალისწინებული ბაზისური სამედიცინო სერვისების უწყვეტობა, შესაბამისი სახელმწიფო პროგრამების ფარგლებში, ამ ხელშეკრულების 3.1.2 ქვეპუნქტით განსაზღვრული ვადის დადგომიდან

7 წლის განმავლობაში, ამ ხელშეკრულების დანართით განსაზღვრული სპეციფიური პირობების გათვალისწინებით და გეოგრაფიული ხელმისაწვდომობის პრინციპის დაცვით“.

3.1.2 ქვეპუნქტით განსაზღვრული ვადა არის 2013 წლის 1 სექტემბერი.

ბაზისური სერვისების ნუსხა, რომელიც აღნიშნულ ხელშეკრულებას თან ერთვის მოიცავს 10 პუნქტს (სხვა ტიპური ჩამონათვალისგან განსხვავებით, არ მოიცავს სასწრაფო სამედიცინო დახმარებისა და სამედიცინო ტრანსპორტირების უზრუნველყოფას).

ხელშეკრულებით ნაკისრი ვალდებულებების, კერძოდ, ბაზისური სერვისების უწყვეტობის ვალდებულების შესრულების შესახებ ინფორმაცია უკვე მოგწოდებოდა 2017 წლის 20 იანვრის N01/3225 წერილით, ვალდებულებების დასაწყისიდან 2016 წლის 15 სექტემბრის ჩათვლით პერიოდისთვის. ამჟამად წარმოგიდგენთ ბაზისური სერვისების უწყვეტობის ვალდებულების შესრულების შესახებ ინფორმაციას 2016 წლის 16 სექტემბრიდან 2018 წლის 3 დეკემბრის ჩათვლით.

როგორც ზემოაღნიშნულ წერილშია მითითებული, იმისათვის, რომ ვალდებულებით განსაზღვრული სერვისების მიწოდება ჩაითვალოს შესრულებულად, სერვისის მიმწოდებელი, ხელშეკრულებით განსაზღვრული ბაზისური სერვისების წარმოების ვადის ფარგლებში, უნდა აკმაყოფილებდეს შემდეგ პირობებს:

ა) პირველ რიგში, უნდა გააჩნდეს განსაზღვრული სერვისის წარმოების უფლება, რისთვისაც, სამედიცინო საქმიანობის სპეციფიკის შესაბამისად, უნდა პქონდეს: ან სტაციონარული დაწესებულების ნებართვა და თუ საჭიროა, შესაბამისი სამედიცინო საქმიანობის განხორციელებისათვის აუცილებელი სანებართვო დანართი; ან საქმიანობის ლიცენზია; ან შეტყობინება მაღალი რისკის შემცველი ამბულატორიული საქმიანობის წარმოების თაობაზე. ამასთან, გასათვალისწინებელია, რომ ბაზისური სერვისებიდან, შესაძლებელია, ზოგიერთი სერვისების წარმოება არ მოითხოვდეს ლიცენზიის/ნებართვის ან შეტყობინების არსებობას.

როდესაც ჩვენს მიერ მოწოდებულ ინფორმაციაშიაღნიშნულია ლიცენზიის, სტაციონარული ნებართვისა და ნებართვის დანართის ან მაღალი რისკის ამბულატორიულ საქმიანობაზე შეტყობინების არარსებობა, ნიშნავს, რომ სერვისის მიმწოდებელს („მყიდველს“) ვალდებულების შესასრულებლად სჭირდებოდა შესაბამისი უფლების ქონა, მაგრამ სამინისტროს უფლებამოსილი უწყების მიერ მოწოდებული ინფორმაციით არ დასტურდება „მყიდველის“ მიერ შესაბამისი ბაზისური სერვისის შესრულების ის ლეგალური საფუძვლები, რაც უკავშირდება კონკრეტული ბაზისური სერვისის წარმოების უფლებას.

ბ) სერვისის მიმწოდებელი სამედიცინო დაწესებულება, შესაბამისი სახელმწიფო პროგრამების ფარგლებში, უწყვეტად უნდა ახდენდეს ბაზისური სერვისების ნუსხით გათვალისწინებულ მომსახურების მიწოდებას ხელშეკრულებაში მითითებულ მუნიციპალიტეტ(ებ)ში.

როდესაც ჩვენს საპასუხო წერილშია აღნიშნულია, რომ ჯანმრთელობის დაცვის სახელმწიფო პროგრამების განმახორციელებელ უწყებებშიარ ფიქსირდება ინფორმაცია სერვისის მიმწოდებლის („მყიდველი“)მიერ ბაზისური სერვისების შესრულების შესახებ საანგარიშო პერიოდში, ეს ნიშნავს, რომ სამინისტროს არ შეუძლია დაადასტუროს „მყიდველის“ მიერ შესაბამისი ბაზისური სერვისის მიწოდების ვალდებულება აღნიშნულ პერიოდში, მიუხედავად იმისა, ფლობდა თუ არა იგი საქმიანობის წარმოების უფლებას.

(1) 2011 წლის 13 სექტემბრის ხელშეკრულება

1. ინფექციური დაავადებების მკურნალობის ხელმისაწვდომობის უზრუნველყოფა

საქმიანობის უფლება: სსიპ სამედიცინო საქმიანობის სახელმწიფო რეგულირების სააგენტოში არსებული ინფორმაციით, სტაციონარული სამედიცინო დაწესებულების ნებართვის სანებართვო დანართს „ინფექციურ დაავადებთა მკურნალობა“ და მაღალი რისკის შემცველი ამბულატორიული საქმიანობის „ინფექციურ დაავადებებთან (მათ შორის, აივ ინფექციასთან/მიდსთან) დაკავშირებული საქმიანობა“ - შპს მედალფა“ ფლობს ოზურგეთისა და კასპის მუნიციპალიტეტებში. შესაბამისად, მას გააჩნია აღნიშნული საქმიანობის წარმოების უფლება როგორც სტაციონარულად, ისე ამბულატორიულად სანებართვო დანართით/შეტყობინებით განსაზღვრულ მისამართებზე.

სახელმწიფო პროგრამები: შპს „მედალფა“ 2017 წლის 1 მარტიდან - 2018 წლის 3 დეკემბრის ჩათვლით, კასპის მუნიციპალიტეტში არ ფიქსირდება, როგორც ინფექციური დაავადებების მართვის სახელმწიფო პროგრამისა (2017 წლის 1 მარტი - 2017 წლის 31 დეკემბერი) და საყოველთაო ჯანდაცვის სახელმწიფო პროგრამის ინფექციური დაავადებების მართვის კომპონენტის (2018 წლის 1 იანვარი-2018 წლის 3 დეკემბერი) მიმწოდებელი (საყოველთაო ჯანდაცვის გეგმური ამბულატორიის კომპონენტი 2017 წლის 1 მარტიდან აღარ ითვალისწინებს ექიმ-ინფექციონისტთან ვიზიტს).

2. „სამედიცინო ტრანსპორტირებას და სასწრაფო სამედიცინო მომსახურება“.

საქმიანობის უფლება: შპს „მედალფა“ სასწრაფო სამედიცინო საქმიანობის უფლებას ფლობდა 2011 წლის 29 სექტემბრიდან - 2014 წლის 22 აპრილამდე (საქართველოს მთავრობის მიერ მიღებულ იქნა გადაწყვეტილება „სასწრაფო სამედიცინო დახმარების“ სერვისის 2014 წლის 17 თებერვლიდან სახელმწიფო მართვაში გადაცემის თაობაზე (საქართველოს მთავრობის 2014 წლის 17 იანვრის №89 დადგენილება)).

„სასწრაფო სამედიცინო დახმარების ლიცენზიით“ გათვალისწინებული საქმიანობის განხორციელება სახელმწიფოს მიერ, კერძოდ, პაციენტისათვის შესაბამისი სასწრაფო სამედიცინო დახმარების აღმოჩენა და საჭიროების შემთხვევაში, პაციენტის სტაციონარში ტრანსპორტირება, რა თქმა უნდა, არ ათავისუფლებს სამედიცინო დაწესებულებას (შპს „მედალფა“) ნასყიდობის ხელშეკრულებით გათვალისწინებული სხვა ვალდებულებისაგან - (სტაციონარიდან რეფერალური შემთხვევის) სამედიცინო ტრანსპორტირება.

სსიპ სამედიცინო საქმიანობის სახელმწიფო რეგულირების სააგენტოში არ ფიქსირდება სხვა განაცხადი, რომელიც საფუძვლად დაედებოდა შპს „მედალფას“ მიერ ბაზისური სერვისების ნუსხით გათვალისწინებული „სამედიცინო ტრანსპორტირების“ ვალდებულების შესრულებისათვის საჭირო უფლების დამადასტურებელი მოწმობის (ლიცენზია) ფლობას 2014 წლის 22 აპრილის შემდეგ.

სახელმწიფო პროგრამა: „სასწრაფო გადაუდებელი დახმარების და სამედიცინო ტრანსპორტირების“ პროგრამის „სამედიცინო ტრანსპორტირების“ კომპონენტის ფარგლებში, მიმწოდებელთა ჩამონათვალი არ ფიქსირდება შპს „მედალფა“ და მის მიერ გაწეული მომსახურება გარდამავალი პერიოდის დასრულებიდან (01.12.2011) - ხელშეკრულების ვადის დასრულების თარიღამდე (01.12.2018) კასპისა და ოზურგეთის მუნიციპალიტეტებში.

(2) 2012 წლის 16 აგვისტოს ხელშეკრულება (ბაზისური სერვისების დაწყების ვადა 2013 წლის 1 სექტემბერი)

1. ინფექციური დაავადებების მკურნალობის ხელმისაწვდომობის უზრუნველყოფა

საქმიანობის უფლება: სსიპ სამედიცინო საქმიანობის სახელმწიფო რეგულირების სააგენტოში არსებული ინფორმაციით, სტაციონარული სამედიცინო დაწესებულების ნებართვის სანებართვო დანართს „ინფექციურ დაავადებთა მკურნალობა“ შპს „მედალფა“ არ ფლობს ლანჩუთისა და ჩოხატაურის მუნიციპალიტეტებში მდებარე სამედიცინო დაწესებულებებში, მაგრამ, ამავდროულად გაკეთებული აქვს შეტყობინება მაღალი რისკის შემცველ ამბულატორიულ საქმიანობაზე „ინფექციურ დაავადებებთან (მათ შორის, აივ ინფექციასთან/შიდსთან) დაკავშირებული საქმიანობა“. შესაბამისად, მას გააჩნია აღნიშნული საქმიანობის წარმოების უფლება ამბულატორიულად შეტყობინებით განსაზღვრულ მისამართებზე.

სახელმწიფო პროგრამა: შპს „მედალფა“ 2017 წლის 1 მარტიდან - 2018 წლის 3 დეკემბრის ჩათვლით, ჩოხატაურის და ლანჩუთის მუნიციპალიტეტებში არ ფიქსირდება ინფექციური დაავადებების მართვის სახელმწიფო პროგრამისა (2017 წლის 1 მარტი - 2017 წლის 31 დეკემბერი) და საყოველთაო ჯანდაცვის სახელმწიფო პროგრამის ინფექციური დაავადებების მართვის კომპონენტის (2018 წლის 1 იანვარი-2018 წლის 3 დეკემბერი) მიმწოდებლად (საყოველთაო ჯანდაცვის გეგმური ამბულატორიის კომპონენტი 2017 წლის 1 მარტიდან აღარ ითვალისწინებს ინფექციონისტთან ვიზიტს).

პატივისცემით,

მინისტრის მოადგილე

ხელმოწერილია/
შტამგდამსულია
ელექტრონულად



გიორგი წონკოლაური